



## SAOPĆENJE ZA JAVNOST

# **Za bludne radnje nad djetetom** **Osuđen na šest mjeseci zatvora**

Brčko, 29.3.2024. godine

Tužilaštvo Brčko distrikta BiH dokazalo je krivicu 61-godišnjeg muškarca, optuženog da je 2019. godine u Brčkom, učinio bludne radnje prema devetogodišnjoj djevojčici. Za bludne radnje prema djetetu, čijeg je uzrasta bio potpuno svjestan, on je pred Osnovnim sudom u Brčkom, nepravosnažno osuđen na kaznu zatvora od šest mjeseci.

Tužilaštvo Distrikta procesuiralo je M. M\*, jer je u julu 2019. godine potpuno svjestan njenog uzrasta, u namjeri da zadovolji svoju seksualnu pohotu, od žrtve tražio da ga dodiruje po intimnim dijelovima tijela i rukom je dodirnuo po lijevoj nadbutini. S obzirom na razvojni period djetinstva, kod žrtve je postupak optuženog izazvao osjećaje straha, uznemirenosti i ugroženosti, koji su se manifestovali i u obliku postraumatskih stresnih reakcija - zaključeno je u optužnici.

Intenzivno postupajući na rješavanju slučaja, Tužilaštvo je u saradnji s Policijom distrikta Brčko, odmah otkrilo i privelo osumnjičenog, te sprovedo istragu nakon čega je protiv njega ubrzo podiglo optužnicu za krivično djelo Bludne radnje (iz člana 205 stav 2 Krivičnog zakona Brčko distrikta BiH). Pošto je potvrdio optužnicu, Osnovni sud distrikta Brčko održao je glavni pretres tokom kojeg je Tužilaštvo u cijelosti dokazalo optužbe i krivicu optuženog. Sud je zatim donio nepravosnažnu osuđujuću presudu izrekavši mu kaznu zatvora od šest mjeseci. Cijeneći da se kaznom zatvora u toj visini ne mogu ostvariti ciljevi specijalne i generalne prevencije krivičnih sankcija, Tužilaštvo će ovu sudsku odluku pobijati žalbom, koju može izjaviti i optuženi. Imajući u vidu stepen društvene opasnosti ovakvih krivičnih djela na štetu djece, Tužilaštvo u okviru svojih nadležnosti nastoji doprinijeti oštrijoj kaznenoj politici i strogom kažnjavanju njihovih počinitelja.

\*Lični podaci optuženog izostavljeni su u cilju zaštite identiteta, ličnih prava i najboljih interesa maloljetnih žrtava krivičnih djela.

**GLAVNI TUŽILAC**  
**ZEKERIJA MUJKANović**